

12/01/2003

PM dijangka lawat Kelantan dua hari

KOTA BHARU: Datuk Seri Dr Mahathir Mohamad dijangka mengadakan lawatan kerja dua hari ke Kelantan mulai Rabu ini, kata Pengarah Jabatan Pembangunan Persekutuan (JPP), Datuk Ramli Ab Rahman, semalam.

Ramli berkata, Perdana Menteri yang diiringi isteri, Datin Seri Dr Siti

Hasmah Mohd Ali dijangka tiba di Lapangan Terbang Sultan Ismail Petra, Pengkalan Chepa, jam 4.15 petang.

Beliau berkata, Dr Mahathir akan menghadiri majlis bersama rakyat di Kolej Sultan Ismail, Jalan Telipot, di sini yang dijangka dihadiri kira-kira 50,000 orang.

Pada masa sama, katanya, Dr Siti Hasmah akan melancarkan 'Program Utamakan Keluarga... Semakin Hari Semakin Sayang' di Kampus Kesihatan Universiti Sains Malaysia (USM) Kubang Kerian, di sini.

"Pada malamnya, Perdana Menteri akan bertemu ketua-ketua jabatan Persekutuan, sebelum bertemu rakyat di Sekolah Menengah Kebangsaan Air Panas di Jeli keesokannya," katanya.